



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. RR. Articulus Recessus Additivi de restitutione navis Norcopiensis.

urn:nbn:de:hbz:466:1-10534

quisita juris probatum non fuerit, nihil obtineri queat. Nos verò sumus homines simplices, vix juris patrii, nedum Danici gnari; nec conditio nostra in quam redacti sumus, patitur, ut Procuratori cuidam, licet heic qui nobis operam suam locare vellet, reperiri posset, (de quo tamen valde dubitamus) causam nostram agendam committamus. Nam navis nostra una cum exiguis facultatibus nostris nobis est erepta; & insuper multum impensarum heic fecimus, præter ingentem rei familiaris jacturam, quam ob nostram à patria absentiam patimur, ut è paupertate eluctari nunquam valeamus. Nec R. M. V. graves esse, ejusque auxilium in hoc negotio implorare volumus, nisi summa nos necessitas eò adigat, & tunc demum, quando Domini Legati restitutionem rerum nobis ablatarum obtinere nequeverint. Jus verò nostrum juxta stylum for. Danici persequi velle, ad id sane nec majorum nec posterorum nostrorum facultates omnes atque opes sufficient. Primarius exercitor navis prædatoriz causæ huc se subtrahere, & culpam omnem vel in Capitaneum navis jam mortuum, vel in alios complices tenuioris fortunæ conicere conatur, cum tamen neque Commissionem Regis Daniæ, quantum nobis quidem innotuit, habuerint, nec teneantur parere ejusmodi Commissioni Polonicæ, nisi Regis Daniæ consensus & confirmatio accedat heic in mari Balthico &c. Et nisi vel certam pecuniæ summam, vel ipsas merces ac bona nobis ablata in natura, vel bonas quasdam naves ex earum numero, quas nostri in Jutia & Fionia occuparunt, acceperimus, eo ipso sine omni dubio ad incitas jam dum redacti sumus, & V. R. M. vectigalia, aliique hujus generis redditus ex inde minuentur, &c. Nec persuademus nobis, Danos bona quædam per publicæ pacis violationem ablata, vigore legum privatarum sibi adjudicare posse. Quapropter ad R. M. V. nos miserè confugimus, summa devotione precantes, ne R. M. V. permittere velit, ut supra dicti Dani per pacis publicæ & commerciorum violationem & turbationem se ac divitias suas è tenuibus & privatis facultatibus nostris amplificent ac in majus augeant; quin potius tantum nobis minimum indulgeatur, ut bona nostra, qua sine omni nostra culpa pacis tempore nobis erepta sunt restituantur, siquidem damnorum & impensarum, quod tamen serè dolendum, compensatione beari non poterimus. R. V. M. auxilium devotissimi expectamus, Eandem &c. Hafniæ, die 13 Junii, Anno 1658.

Oluff Töressen. Peter Ingemundson.
Lit. RR.

Articulus Recessus Additivi de restitutione navis Norcopiensis.

Similiter de omnibus aliis navibus & mercibus, quæ S. R. M. Sveciæ subditio sunt propriæ, & à Danis ante nuperi belli declarationem seu denunciationem captæ & in portus deductæ fuerunt, conventum invicè & promissum est, ut
omnes

omnes istæ naves, cujuscunque generis sint, una cum mercibus quibus onustæ erant, sine tergiversatione ac mora, proprietariis suis reddi debeant, aut istorum pretium, prævia demonstratione debita, resarciatur. Præprimis vero navis Norcopiensis, cujus rector Petrus Ingemundson, quæ à pirata Dano, qui Commissionem Polonicam habuisse dicitur, in portum Danicum deducta fuit, merces verò impostas subditi Danici acceperunt. Quem admodum in S. R. M. Daniæ Decreto, quod ob hanc causam scripto consignatum fuit, pluribus comprehenditur & declaratur.

Lit. SS.

Legatorum Suedicorum Projectum prius circa restitutionem rerum à Carloffio in Guinea ablatarum, Commissariis Danicis exhibitum, Haffn. d. 6. Jul.

Anno 1658.

N N majorem etiam certitudinem ac securitatem ab utraque parte mutuo approbatum & conventum est, ut juxta tenorem articuli undecimi Pactorum Roschildensium S. R. M. Regnumque Daniæ teneatur & obligatum sit, S. R. M. Regnoque Sueciæ, ut & Liberæ & privilegiatæ Suecorum Societati Africanæ restituere omne illud, quicquid Henricus Carloffius & ipsius complices ac socii per S. R. M. Daniæ datam Commissionem tam in alto mari, quàm in terra & littoribus Guineæ abstulere, & ante pacificationem Tropicalem neque in portum Danicum neque Hollaticum deduxerunt; ut & resarcire ac compensare omne istud damnum, quod alte memorata S. R. M. & Societati Suedicæ per expeditionem istam datum fuit, nempe taliter & in hunc modum; ut S. R. M. & Regnum Daniæ jam statim sine omni cunctatione sæpe dictæ Societati Africanæ restitui faciant omnia ista, quæcunque Carloffius nuper ex Guinea secum attulit, & in Albi fluvio non procul Glückstadio habet, & S. R. M. Sueciæ subditis eripuit. Sed pro reliquis, quæ reddi statim nequeunt, sive occupatum Castellum Capo-Cors, vel aliæ Suecorum Munitiones & domus mercatoriarum in littoribus Guineæ, sive ibi relicta mobilia, ut aurum, navium onerationes seu Cargaisons, victus seu cibaria, supellex, mancipia, pecuniæ quæ societati ibidem debentur, naves, apparatus bellicus, arma & tormenta, vel aliud aliquid, quocumq; tandem nomine venire possit, quod Suedica Societas ibi habet, & hæcenus contra ipsius voluntatem distractum & alienatum est; simul etiam pro damnis Sac. Reg. Mejest. Sueciæ ejusque subditis per istam Carloffii expeditionem inflictis, exponit S. R. M. Regnumque Daniæ in realem assecuritatem & hypothecam

N

cum